

ҲУҚУҚБУЗАРЛИКЛАР ПРОФИЛАКТИКАСИДА ФУҚАРОЛИК ЖАМИЯТИ ИНСТИТУТЛАРИ, ОММАВИЙ АХБОРОТ ВОСИТАЛАРИ ВА АҲОЛИНИНГ ИШТИРОКИНИ РИВОЖЛАНТИРИШНИНГ АҲАМИЯТИ

Мамирзаев Жамшид Нортой ўғли

ИИБ Академияси 3 ўқув курси 311-гуруҳ курсанти

Ҳуқуқий демократик давлат, кучли фуқаролик жамиятини барпо этиш йўлидан бораётган мустақил Ўзбекистонимизда жамоатчилик назоратини кучайтириш, ижтимоий соҳа ва давлат-хусусий шерикчилигини ривожлантириш, фуқароларнинг ўзини ўзи бошқариш ўрганлари ва фуқаролик жамиятининг бошқа институтлари билан тўғридан-тўғри ҳамкорликни йўлга қўйиш борасида кенг кўламли ишлар амалга оширилмоқда.

Биз бугун демократик ўзгаришлар даврида яшамоқдамиз. Бу даврда мамлакатимизнинг сиёсий, ижтимоий жihatдан тараққий эттиришда бевосита ва фаол иштирок этиш истагида бўлган фуқароларимизнинг салоҳияти тўла намоён бўлишини таъминлашимиз лозим. Бу борада оммавий ахборот воситалари аҳолининг талаб ва эҳтиёжларини ҳокимият идораларига етказишнинг муҳим ва таъсирчан воситасига, халқнинг энг яқин кўмакчисига ва ҳамдардига, демократия кўзгусига айланиши лозим.

Мустақиллик туфайли фуқароларимизнинг онгида ватанпарварлик хиссини уйғотиш ҳамда мустақамлаш, миллий истиқлол ғоясини тарғиб қилиш, диний мазҳабдан қатъий назар турли миллат ва элатларнинг тинч-тотув, ўзаро аҳил яшашларини таъминлаш муҳим аҳамият касб этмоқда.

Мамлакатимизда истиқомат қилаётган ҳар бир инсоннинг қалбига Ватан туйғусини сингдириш, бир неча минг йиллик моддий ва маънавий маданият масканларидан бири — Она Ўзбекистонимизнинг ҳақиқий жонкуяри бўлишга эришиш, мамлакатимизда ҳуқуқбузарликлар профилактикасини амалга ошириш, биринчи навбатда, бу борадаги профилактик ишларни ташкил этишда фуқаролик жамияти институтлари, оммавий ахборот воситалари ва аҳоли билан яқин ҳамкорликда иш олиб бориш куннинг долзарб вазифаси саналади.

Ҳозирда мамлакатимиздаги давлат идоралари ва бошқа ташкилотлар ҳамда фуқаролик жамияти институтлари ҳисобланган турли ҳил нодавлат нотижорат ташкилотлари, бирлашмалар, муассасалар ва энг муҳими, аҳоли, аксарият ҳолларда ҳуқуқбузарликлар профилактикасини фақатгина ҳуқуқни муҳофаза қилувчи органларнинг вазифаси сифатида баҳолаб, оқибатда ушбу фаолиятга лозим даражада эътибор қаратмаяптилар. Ваҳоланки ушбу субъектларнинг етарли даражада ташаббус кўрсатмаётганликлари, лозим даражадаги ўзаро ҳамкорликнинг мавжуд эмаслиги ва амалиётда йўлга қўйилмаганлиги, амалга оширилаётган чора-тадбирларнинг ўзаро номуносиблиги Ҳуқуқбузарликлар профилактикасини ташкил этишда фуқаролик жамияти институтлари, оммавий ахборот воситалари ва аҳоли билан ҳамкорликни тубдан такомиллаштиришни талаб этади. Профилактика Инспекторлари ҳуқуқбузарликлар профилактикасини қонун ва қонуности ҳужжатларда берилган ваколатлардан келиб чиқиб соҳавий хизматлар имкониятларидан унумли фойдаланган ҳолда жамоат тартибини сақлаш, фуқаролар ҳавфсизлигини таъминлаш, ҳуқуқбузарликларнинг содир этилиш сабабларини ва уларга имкон бераётган шарт- шароитларни аниқлаш, олдини олиш, бартараф этиш, фуқароларнинг ҳуқуқий онги ва маданиятини юксалтириш,

ғайри ижтимоий хулқ атворга эга бўлган, ҳуқуқбузарлик содир этишга мойил ҳамда ҳуқуқбузарлик содир этган шахсларни аниқлаш профилактик таъсир кўрсатиш орқали уларнинг хулқ-атворини тузатиш, фуқароларни ҳуқуқбузарликларнинг тури, содир этиш усули ва воситалари, хавфли ва салбий оқибатлари ҳақида огохлантириш, ҳуқуқбузарликдан жабрланган ва жаболаниш эҳтимоли юқори бўлган шахсларни аниқлаш ва уларнинг хавфсизлигини таъминлаш ҳуқуқбузарликдан жабрланган, ғайри ижтимоий хулқ атворга эга бўлган, ҳуқуқбузарлик содир этишга мойил ҳамда ҳуқуқбузарлик содир этган шахсларнинг ижтимоий реабилитация қилиш ва ижтимоий мослаштирилишида кенг қўламли ишлар олиб борадилар. Мазкур фаолиятни самарали ташкил этиш мақсадида Профилактика Инспекторлари бугунги кунда кенг жамоатчилик, фуқаролик жамияти институтлари, оммавий ахборот воситалари ва аҳоли билан яқиндан ҳамкорлик қилиши талаб этилади. Профилактика Инспекторлари Ҳуқуқбузарликлар профилактикасини ташкил этишда, маъмурий ҳудудда шахс, жамият ва давлат манфаатларини ғайриқонуний тажовузлардан ҳимоя қилиш, жамоат артибини сақлаш ва фуқаролар хавфсизлигини таъминлаш бўйича хизмат фаолиятини амалга оширишда қатор фуқаролик жамияти институтлари, оммавий ахборот воситалари ва аҳоли билан яқиндан ҳамкорлик қилади.

Фойдаланилган адабиётлар:

1. Ўзбекистон Республикаси Президенти Шавкат Мирзиёевнинг мамлакатимизни 2016 йилда ижтимоий-иқтисодий ривожлантиришнинг асосий яқунлари ва 2017 йилга мўлжалланган иқтисодий дастурнинг энг муҳим устувор йўналишларига бағишланган Вазирлар Маҳкамасининг кенгайтирилган мажлисидаги маърузаси.
2. Ўзбекистон Республикаси ИИВ Ахборот маркази 2021 йил ҳисоботлари.
3. Ўзбекистон Республикаси Президенти Шавкат Мирзиёевнинг 2020 йил 10 августдаги “Суд-тергов фаолиятида шахснинг ҳуқуқ ва эркинликларини ҳимоя қилиш кафолатларини янада кучайтириш чора-тадбирлари тўғрисида”ги Фармони.
4. Ўзбекистон Республикасининг Жиноят кодекси.